

Э Д Ж Д А Н.

Үин баг насндан
Ээдж танасн саллав,
Асрх, өргх, халах
Энкр Үрнтн билавв.

Цаггин аюл болчугран
Цахлсн даягяр эхлэй,
Дарвксн даяна көлд
Даявддж амтн йовла.

Эн ик арид
Ээджасн би саллав,
Өргн хальмг теегасн
Өнгрдж би гарлавв.
Көөрк көвшн ээдждан
Кезак насндан мартхв?
Асрад, өргад таалсна
Ачинь кеза хөрүүлхүв?

Көкргсн хальмг теегт
Көвшн ээдж тандан
Курч үзх хаалгиг
Көкргч тенгрнь йеватхя.

Бадмин Дордж.